

Эрдни-шишя сян экяр тярхмн

Малин хотд эрки зя эздж авчакхнь эрдни-шишя болдж гарна, тегад эн учр деерас джил ирвас эрдни-шишян ургъцинь улм оодан гаргългыг кўцях кергтя.

Эрдни-шишян ургъцинь оодлулхд нег эрки зокаста эваргь болдж гардгнь—гибридн экяр тярлгьн болдж гарна, минь иим экяр тярхля, огдг буудань боли кок бучрнь, эс ясгдсн сорт экяр тярснас зовар ик болдж гарна. Мана тангычд „коллективн“ гидг нерадлгьтя гибридн сорт экн сян ургъц огня.

Ик ургъц ургьадж авхин толя, эрдни-шишян сян эктя баах дееран тер экиг чикяр хадгълх кергтя.

Эк кехяр улдасн эрдни-шишяг толгьаднь баалгьдж хадгългьн, тедниг шуудж йилгългьн, сортарнь йилгьдж гаргългьн, гем хальдсинь, шавтсинь туугьад заагддж гаргългьн тааста болдж гарна. Эрдни-шишян экиг хадгълхларн, 15—20 сантиметр зузанар овалхми, эрдни-шишян экн умсрнъгьунь ик гихдан 15 процентас давх зов уга, дакад эрдни-шишян буудан чинринь боли гарцинь халладж-шуух кергтя.

Тярхиннь омхн, тярх экня нег тониднь нег килограмм граназан гидг хорн эм цацджах кергтя. Граназан гидг эм, ургъцд сян дееран, эрдни-шишяг гемас хальчлна.

Мана тангычин Западн болн Яшалтан райодас бишнък наадк газрмударнь эрдни-ши-

шяг ямаран гарлгьтагьар, кезя эклдж тярх тускинь нам ода бийнь сяняр йилгьдж таслгдад уга. Эрдни-шишяг кирслдж тярхнь сян медгдджаня. Зуг кирслдж тярхля эрдни-шишян тяранас ик ургъц авч болхми.

Газр-усна баадлар, газрин улнь 5-6 градус куряд буларсн газриг 8-10 сантиметр гууняр хагълчкад—тегад оч эклдж тярлгьн зоклдж ирлцня, тер юнъгад гихля эн газрмудар киитн-халун хойр тургар хуврад-сольгдад бааня. Нам туунас давхла, шиндждлад баахнь—газрас нег метр деегшян гарсн агьарин халун-киитнаннь кирцагьинь авхла, халун-булананнь кирцань 10-12 градус болдж гарна, тер цаглань харгьулад газрин киитн-халуна кирцагьинь авхла бас тиим болдж гарна. Эн ик чинртя уулдвр. Минь иим гарлгьта уханседвариг чикинь—1956—1957 джилмудин эргид эрдни-шишя таряд ургьадж авсн дамшлт батлдж келдж огчаня. Эрдни-шишя тярх газран, олн зусн овснас цеврлчксн, намрар гууняр хагьлад белдчксн газрар тярх кергтя.

Иим кевар, кемр эн баарн газрин оварцлань тооцлджла, агротехникин гол зааврмудинь баряд баахля, тер хамгиг баряд эрдни-шишя тярхля, зуг тегад оч эрдни-шишягьас ик буудя боли кок иш, бучр чигн авч болхми.

Н. ЮХНОВ.

Элстин МТС-н ах агроном.